



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Episcopo Capdaqvensi, Abbatи Cavensi Salernitanæ diocesis.

urn:nbn:de:hbz:466:1-20020

latam postposita omni occasione solemniter innovent & à suis faciant subditis innovari. Quocirca discretioni tuae per apostolica scripta mandamus quatinus si aliquis eorum, quod non credimus, mandati nostri extiterit negligens executor, tu eum, appellatione remota, canonica pena percellas. Datum Laterani vii. Idus Iunij, anno quartodecimo.

In eundem ferè modum scriptum est ipsis super hoc.

*POTESTATI ET POPVLO
Bononiensi, spiritum consilij seniorum.*

*Epiſt. 79.
Vi relinquant
partes Ottonis.*

Mirari cogimur & moveri quod cùm Otto dictus Imperator, excommunicatus & maledictus, non cesset Romanam Ecclesiam impugnare, vos non tantum ei sed & fautoribus ejus, qui sunt excommunicati cum ipso, veltrum impeditis auxilium & favorem. Quocirca universaliter vestram monemus attentius & hortamur, per apostolica vobis scripta principiendo mandantes quatinus ab hujummodi proposito desistentes, nullum sibi vel suis auxilium aut consilium impendatis. Alioquin noveritis nos dilecto filio Albanensi electo apostolicae sedis Legato nostris dedisse litteris in mandatis ut personas excommunicationi & terram subiciat interdicto; quod si nec sic duxeritis resistentem, scholas de ipsa faciat civitate transferri. Datum ut in alia.

Scriptum est ipsis super hoc in eundem modum.

*ALBANENSI ELECTO,
apostolice sedis Legato.*

*Epiſt. 80.
De adiutorio
ne castri Fe-
rariae.*

Dilectus filius nobilis vir Marchio Estensis nobis humiliter supplicavit ut in Ferrariensi civitate confiduci castrum, per quod ipsam melius defendere valeat & ad fidelitatem Romanæ Ecclesie conservare, licentiam concedere dignaremur. Nosigitur id tuæ prudentiae committentes, discretioni tuae per apostolica scripta mandamus quatinus super hoc statuas ad honorem & profectum Ecclesie quod visideris expedire. Datum Laterani vii. Idus Iunij.

*EPISCOPO CAPDAQVENSI,
& Abbatii Caveni Salernitanæ dioceſis.*

*Epiſt. 81.
De electione
Epitoci Poli-
castrenſi.*

Policastrensi Ecclesia dudum proprio viduata pastore, cùm ipsius Capitulum, sicut pro ejus parte fuit propositum coram nobis, obtenta licentia eligendi dilectum filium Archipresbyterum de Sapo-

naria in Episcopum unanimiter elegissent, quosdam ex Canonicis in Siciliam transmiserunt ad assensum regium obtainendum. Vnde cùm Rex nec super hoc nec super quibusdam personis alis postea, quod non licuit, nominatis ad eorum portuisset defilia inclinari, & ex parte ipsius Regis suggestum fuisset eisdem, communionibus intentatis, ut Iacobum ejus Medicum nominarent, ipsi Regis metuentes indignationem incurgere, dolentes pariter & inviti, dictum Iacobum elegerunt, qui cum dilecti filii nostri Gregorij tituli sancti Theodori Diaconi Cardinalis apostolicæ sedis Legati & Regis litteris ad venerabilem fratrem nostrum Archiepiscopum Salernitanum accessit pro confirmationis & consecrationis gratia obtainenda. Sed Archiepiscopus prius quam in negotio ipso procederet, nostra responsionis oraculum requisivit. Cui dedisse recolimus in mandatis ut super electionibus in Policastrensi & Sarnensi Ecclesiis celebratis procedere retardaret, cùm disponeremus ad Regis presentiam nostros nuntios destinare, per quos super his & quibusdam alis nostram plenius intelligeret voluntatem. Vnde cùm Archiepiscopus memorando Iacobo responsum apostolicum rescripsisset, propriis litteris nostrarum tenore litterarum inserto, idem commotus dicitur respondisse: *Reverar ad Regis curiam, & ab his qui eligi me fecerunt, super consecratione mea a favori & auxilio obtinebo.* Verum eodem postmodum apud Regis curia multiplicitate laborante pro confirmationis munere obtainendo, supradicti Capituli nuntij Cardinali praefato mandatum nostrum ad Archiepiscopum memoratum directum exponere curaverunt, & supplicantibus eidem ne dicto Iacobo ad consecrationis gratiam obtainendam auxilium vel favorem impenderet, ad sedem apostolicam appellarent. Cùm autem Cardinalis nostras ab eis litteras quævisisset, & ipsi earum penes se authenticum non haberent, ipse inducias eisdem indulxit, infra quas dictas ei litteras vel earum tenorem sub sigillo supradicti Archiepiscopi presentarent. Quorum recessu propter turbationem temporis retardato, ad Cardinalis presentiam redeuntes, cùm peterent inducias prorogari, Cardinalis ipse respondit se nullum eis terminum assignare, sed ipsi bona fide quam citè possent ad ipsius presentiam cum nostris litteris vel earum transcripto redire curarent. Cùmque maris turbatione pacata se ad iter accingerent redundi, in ejusdem Cardinalis praesencia

provocationem primitus interpositam innovarunt. Dictus vero Iacobus apud Mesfanensem remanens civitatem, per venerabiles fratres nostros Tarentinum & sancte Severine Archiepiscopos & Episcopum Gerontinum de mandato Cardinalis ipsius obtinuit consecrari; & praedictis Canonici reversis ad propria, e vestigio subsecutus, ad Policastrensem Eccleiam consecratus accessit; quamquam eum Policastrenses Canonici tamquam Episcopum recipere renuissent. Porro cum iidem nobis postmodum supplicascent ut quod de dicto Iacobo tam perperam factum fuerat auctoritate dignaremur apostolica retractare, venerabilis frater nostro Cusentino Archiepiscopo & dilecto filio Abbatи Floris dedimus in mandatis ut tam sepedicto Iacobo & Policastrensi Capitulo quam etiam Salernitanо Archiepiscopo evocatis, ut comparerent per se vel responsales idoneos coram eis, inquirerent super praemissis plenius veritatem, & quod invenirent per suas nobis litteras fideliter intimarent; ut per ipsos certiores effecti, prout expediret in eodem negotio procedere curaremus. Vnde Archiepiscopus, coniudice non valente propter guerrarum pericula interesse, de iplius tamen consensu in negotio jam dicto procedens, admissis testibus super ipso productis, indagavit diligentius veritatem, quam sub suo sigillo ad nostram presentiam destinavit. Cum autem propter hoc nuper procuratores partium ad sedem apostolicam accessissent, per dilectum filium nostrum Benedictum tituli sancte Sannah Presbyterum Cardinalem ipsis auditorem concessum acta inspici fecimus diligenter. Qui cum nobis qua invenerat explicasset, intelleximus per depositiones testium & litteras Cardinalis praedicti coram Archiepiscopo Cusentino exhibitas manifeste probatum quod Ecclesia Policastrensi vacante, de prefato Archipresbytero concors fuerat electio celebrata, & quod nuntij destinati ad assensum regium obtainendum, illum cum instantia requisitum obtinere minimè potuerunt, quodque per Regis familiares ipsius cognita voluntate quod predictum Iacobum eligi cupiebat, eum postmodum nominarunt; item quod postquam innotuit dicto Iacobo per apostolici rescripti tenorem eidem ab Archiepiscopo Salernitano transmissum quod Archiepiscopo memorato à nobis inhibitum fuerat ne super electionibus Policastrensis & Sarnensis Ecclesiarum procederer, ipse ad Regis curiam redit

pro consecrationis munere obtainendo; rursum quod postquam Cardinali prefato hujusmodi prohibitio extitit per Policastrensis Ecclesiae nuntios referata, & dilatio ad nostras super hoc litteras vel earum tenorem sub sigillo Salernitani Archiepiscopi exhibendas ab eodem nuntiis ipsis indulta, necnon post appellationem ad nos interpositam, dictus Iacobus fuerat in Episcopum consecratus. Cum ergo nobis constiterit electionem ipsius Iacobi non solum contra statuta canonica, verum etiam contra constitutionis tenorem inter Romanam Eccleiam & illustris memoria Imperatricem Constantiam super Episcoporum electionibus inita, qua procul duobus dicto innotuit Cardinali, cum & nos illam sibi miserimus, & ipse in litteris quas Cusentino Archiepiscopo destinavit, de illa fecerit mentionem, minus canonice celebratam, alia non cassata, de consilio fratrum nostrorum, inquisitione super gravibus quae in personam ipsius Iacobi publice dicebantur omissa, cum factum in se ipso existeret vitiosum, electionem ipsam irritam decrevimus & inanem, interdicentes eidem executionem pontificalis officij non rite suscepti; Policastrensi Capitulo nostris litteris injungendo ut in electionis negotio de prefato Archipresbytero celebrate concorditer procedentes, eandem Metropolitanu suo presentare procurent confirmandam vel infirmandam ab ipso prout de jure fuerit faciendum. Quocirca discretioni vestrae per apostolica scripta mandamus quatinus quod à nobis est sententialiter definitum, faciat appellatio remota firmiter observari, contradictores per censuram ecclesiasticam appellatione postposita compescendo. Datum Laterani x v. Kal. Iulij, anno quarto decimo.

Scriptum est super hoc in eundem ferè modum Policastrensi Capitulo. Ecclesia vel tardum &c. usque de jure fuerit faciendum. Datum Laterani &c.

In eundem ferè modum scriptum est super hoc Salernitano Archiepiscopo. Datum &c.

*E P I S C O P O V T I C E N S I
apostolice sedis Legato, & P. de Monte-Lauro Aquensi Archidiacono, & magistro Thediso nuntio nostro Canonico Iannensi.*

Cum super reformatione monasterij Massiliensis, de cuius lapsu multa nobis fuerant intimata, venerabilibus fratribus nostris Tolosano & Aurasicensi Episcopo-
Epist. 31.
De reformatio-
nione monas-
terij Massili-
ensis.

Y y ij